



## **OS ORZAMENTOS XERAIS DA COMUNIDADE AUTÓNOMA DE GALICIA PARA O ANO 2012**



## **I. OS ORZAMENTOS XERAIS DA COMUNIDADE AUTÓNOMA DE GALICIA PARA O ANO 2012**

### **I.1. ÁMBITO ORZAMENTARIO**

O artigo 53.1 da Lei orgánica 1/1981, do 6 de abril, polo que se aproba o Estatuto de Autonomía de Galicia establece que "O orzamento será único e incluírá a totalidade dos gastos e ingresos da Comunidade Autónoma galega e dos organismos, institucións e empresas dela dependentes". En virtude deste mandamento estatutario a Lei de orzamentos, como norma que rexe e disciplina a actividade económico-financeira da comunidade autónoma, debe reflectir a totalidade dos gastos e ingresos do sector público autonómico, o que supón a concreción do principio de universalidade orzamentaria.

Consonte ao antedito principio e ao perímetro de consolidación do sistema europeo de contas (SEC-95 en diante), os orzamentos xerais da comunidade autónoma estarán integrados por:

- a) Os orzamentos da Administración xeral, nos que se incorporarán os órganos estatutarios e consultivos.
- b) Os orzamentos dos organismos autónomos.
- c) Os orzamentos das entidades públicas instrumentais de consulta ou asesoramento, coa consideración de organismos autónomos a efectos orzamentarios.
- d) Os orzamentos das axencias públicas autonómicas.
- e) Os orzamentos de explotación e de capital das entidades públicas empresariais.
- f) Os orzamentos dos consorcios autonómicos.
- g) Os orzamentos de explotación e de capital das sociedades mercantís públicas autonómicas.
- h) Os orzamentos de explotación e capital das fundacións do sector público autonómico.

No orzamento da Administración xeral aparecen incluídas, en seccións singularizadas, os diferentes departamentos e órganos sen personalidade xurídica diferenciada que constitúen a Administración autonómica en sentido estrito. Ademais, inclúense outra serie de organismos de carácter estatutario ou que teñen a súa orixe nunha lei ordinaria que prevé a integración dos seus orzamentos nos da comunidade autónoma, aínda que dispoñen de completa independencia funcional. Desta forma, intégranse nos orzamentos xerais os do Parlamento de Galicia, o Consello de Contas, o Consello da Cultura Galega e o Consello Consultivo de Galicia. Finalmente, figuran como seccións independentes as transferencias ás corporacións locais, a débeda pública e os gastos de diversas consellerías, que pola peculiaridade das súas características e pola especial natureza dos gastos aconsellan a súa inclusión como seccións específicas.

Completando os orzamentos xerais da Comunidade Autónoma para este exercicio, figuran os orzamentos das entidades instrumentais do sector público autonómico, definido este pola Lei 16/2010, do 17 de decembro, de organización e funcionamento da Administración xeral e do

sector público autonómico. Desta forma, recóllese nunha norma xeral a tipoloxía de entidades instrumentais, as súas características esenciais e as peculiaridades do seu réxime, dotando á Comunidade Autónoma galega dun marco normativo completo.

Os orzamentos dos organismos autónomos, dan cobertura á actividade económico-financeira destas entidades públicas instrumentais, que poden exercer actividades de intervención, fomento, xestión de servizos públicos ou apoio á función administrativa en réxime de descentralización funcional.

Os orzamentos das entidades públicas instrumentais de asesoramento ou consulta, que consonte a disposición adicional sexta da Lei 16/2010, do 17 de decembro, de organización e funcionamento da Administración xeral e do sector público autonómico, teñen a consideración de organismos autónomos para efectos orzamentarios.

Os orzamentos das axencias públicas autonómicas creadas polo Consello da Xunta e facultadas para exercer potestades administrativas, recollen os recursos para o cumprimento de programas específicos correspondentes a políticas públicas da Administración Xeral da Comunidade Autónoma de Galicia, en réxime de descentralización funcional e xestión por obxectivos.


As entidades públicas empresariais, como entes instrumentais aos que se lles encomenda a realización, consonte criterios de xestión empresarial, de actividades prestacionais, de xestión de servizos públicos ou de produción de bens de interese público susceptibles de contraprestación, presentan orzamentos de explotación e capital que dan cobertura á súa actividade.

Os orzamentos dos consorcios autonómicos, constituídos mediante convenio pola administración xeral con outras administracións públicas para a xestión de servizos da súa competencia ou para a consecución de fins de interese común, así como con entidades privadas sen ánimo de lucro, están integrados polos seus estados de gastos e ingresos.

As sociedades mercantís públicas autonómicas consideradas pola Lei 16/2010, do 17 de decembro, como outras entidades instrumentais do sector público autonómico, presentan orzamentos de explotación e orzamentos de capital.

Por último, os orzamentos de explotación e capital das fundacións do sector público autonómico presentan os estados financeiros necesarios para a realización dos seus fins de interese xeral.

Desta forma, preséntanse os orzamentos da comunidade autónoma para o exercicio 2012, considerándose todas as entidades que abrangue o perímetro de consolidación definido polo SEC-95, con excepción das universidades públicas, así como o resto de entidades con participación maioritaria da Xunta de Galicia:



### Como organismos autónomos figuran os seguintes:

Escola Galega de Administración Pública.

Academia Galega de Seguridade Pública.

Instituto Galego de Estatística.

Consello Galego da Competencia.

Instituto Galego da Vivenda e Solo.

Instituto Galego de Consumo.

Servizo Galego de Saúde.

Instituto Galego de Seguridade e Saúde Laboral.

Fondo Galego de Garantía Agraria.

**Como entidades públicas instrumentais de consulta ou asesoramento figuran as seguintes:**

Consello Económico e Social de Galicia.

Consello Galego de Relacións Laborais.

**Como axencias públicas autonómicas inclúense as seguintes:**

Axencia Galega de Emerxencias.

Centro Informático para a Xestión Tributaria Económico-Financeira e Contable.

Axencia Galega de Infraestruturas.

Instituto Enerxético de Galicia.

Instituto Galego de Promoción Económica.

Axencia Galega das Industrias Culturais.

Axencia Galega de Desenvolvemento Rural.

Instituto Galego de Calidade Alimentaria.

Instituto Tecnolóxico para o Control do Medio Mariño de Galicia.

**Como entidades públicas empresarias figuran as seguintes:**

- Presidencia da Xunta de Galicia:  
Compañía de Radiotelevisión de Galicia, que consolida os seus orzamentos con Televisión de Galicia, S.A., e Radiotelevisión de Galicia, S.A., sociedades por ela constituídas.
- Consellería de Medio Ambiente, Territorio e Infraestruturas:  
Augas de Galicia.
- Consellería do Mar:  
Portos de Galicia.

**Como consorcios autonómicos figuran os seguintes:**

- Presidencia da Xunta de Galicia:  
Consortio Audiovisual de Galicia.
- Consellería de Medio Ambiente, Territorio e Infraestruturas:  
Axencia de Protección da Legalidade Urbanística.  
  
Centro de Extensión Universitaria e Divulgación Ambiental de Galicia.

- Consellería de Educación e Ordenación Universitaria:  
Axencia para a Calidade do Sistema Universitario de Galicia
- Consellería de Cultura e Turismo:  
Instituto de Estudos Turísticos de Galicia.
- Consellería de Traballo e Benestar :  
Consortio Galego de Servizos da Igualdade e do Benestar.

**Como sociedades mercantís públicas autonómicas inclúense as que seguen:**

- Presidencia da Xunta de Galicia:  
Televisión de Galicia, S.A.  
  
Radiotelevisión de Galicia, S.A.  
  
Redes de Telecomunicación Galegas, Retegal, S.A.
- Consellería de Medio Ambiente, Territorio e Infraestruturas:  
Sociedade Galega do Medio Ambiente, S.A.  
  
Sociedade Pública de Investimentos de Galicia, S.A.  
  
Xestión Urbanística de A Coruña, S.A.  
  
Xestión Urbanística de Lugo, S.A.  
  
Xestión Urbanística de Ourense, S.A.  
  
Xestión Urbanística de Pontevedra, S.A.
- Consellería de Economía e Industria:  
Galicia Calidade, S.A.  
  
Centro Europeo de Empresas e Innovación de Galicia, S.A.  
  
Xes Galicia, S.A.  
  
Sodiga Galicia, S.A.  
  
Parque Tecnolóxico de Galicia, S.A.
- Consellería de Sanidade:  
Galaria

- Consellería de Cultura e Turismo:  
Sociedade Anónima de Xestión do Plan Xacobeo.  
  
Sociedade de Imaxe e Promoción Turística de Galicia, S.A.
- Consellería do Medio Rural:  
Xenética Fontao, S.A.  
  
Empresa Pública Servizos Agrarios Galegos S.A.

**Como fundacións do sector público autonómico figuran as seguintes:**

- Presidencia da Xunta de Galicia:  
Fundación Deporte Galego.
- Consellería de Presidencia, Administración Públicas e Xustiza:  
Fundación Semana Verde de Galicia.  
  
Fundación Galicia Europa.  
  
Fundación Rof Codina.
- Consellería de Economía e Industria:  
Fundación Feiras e Exposicións de Lugo.  
  
Fundación Centro de Supercomputación de Galicia.  
  
Fundación para o Fomento da Calidade Industrial e Desenvolvemento Tecnolóxico.  
  
Fundación Instituto Ferial de A Coruña.  
  
Fundación de Exposicións e Congresos de A Estrada.  
  
Fundación Centro Galego de Artesanía e Deseño.
- Consellería de Sanidade:  
Fundación Instituto Galego de Oftalmoloxía.  
  
Fundación Pública Escola Galega de Administración Sanitaria.  
  
Fundación Pública Urgencias Sanitarias Galicia 061.  
  
Fundación Pública Centro de Transfusión de Galicia.  
  
Fundación Pública Galega de Medicina Xenómica.

- 
- Consellería de Cultura e Turismo:  
Fundación Cidade da Cultura de Galicia.  
  
Fundación Illa de San Simón.
  - Consellería de Traballo e Benestar:  
Fundación Galega de Formación para o Traballo.  
  
Fundación Galega para o impulso da autonomía persoal e a atención ás persoas en situación de dependencia.
  - Consellería do Medio Rural:  
Fundación Centro Tecnolóxico da Carne.
  - Consellería do Mar:  
Fundación Centro Tecnolóxico do Mar.

| ÁMBITO DOS ORZAMENTOS XERAIS PARA O ANO 2012       |                                                     |                                                           |                                 |                                       |                                                                 |                                                                                                                                        |                                                                                                                                                                                                                                                                  |  |
|----------------------------------------------------|-----------------------------------------------------|-----------------------------------------------------------|---------------------------------|---------------------------------------|-----------------------------------------------------------------|----------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------|--|
| SECCIÓN                                            | ORGANISMOS AUTÓNOMOS                                | ENTIDADES PÚBLICAS INSTRUMENTAIS CONSULTA OU ASESORAMENTO | AXENCIAS PÚBLICAS AUTÓNOMAS     | ENTIDADES PÚBLICAS EMPRESARIAIS       | CONSORCIOS AUTÓNOMICOS                                          | SOCIEDADES MERCANTÍS PÚBLICAS AUTÓNOMICAS                                                                                              | FUNDACIÓN DO SECTOR PÚBLICO AUTÓNOMICO                                                                                                                                                                                                                           |  |
| 01 Parlamento                                      |                                                     |                                                           |                                 |                                       |                                                                 |                                                                                                                                        |                                                                                                                                                                                                                                                                  |  |
| 02 Consello de Contas                              |                                                     |                                                           |                                 |                                       |                                                                 |                                                                                                                                        |                                                                                                                                                                                                                                                                  |  |
| 03 Consello da Cultura Galega                      |                                                     |                                                           |                                 |                                       |                                                                 |                                                                                                                                        |                                                                                                                                                                                                                                                                  |  |
| 04 Presidencia da Xunta                            |                                                     |                                                           |                                 | - CRTVG                               | - C. Audiovisual de Galicia                                     | - TVG S.A.<br>- RTVG S.A.<br>- RETEGAL S.A.                                                                                            | - F. Deporte Galego                                                                                                                                                                                                                                              |  |
| 05 Presidencia, Administracións Públicas e Xustiza | - EGAP<br>- AGASP                                   |                                                           | - Axencia Galega de Enerxencias |                                       |                                                                 |                                                                                                                                        | - F. Semana Verde de Galicia<br>- F. Galicia Europa<br>- Fundación Rof Codina                                                                                                                                                                                    |  |
| 06 Facenda                                         | - IGE<br>- Consello Galego da Competencia<br>- IGVS | - CES                                                     | - CIXTEC                        |                                       |                                                                 |                                                                                                                                        |                                                                                                                                                                                                                                                                  |  |
| 07 Medio Ambiente, Territorio e Infraestruturas    |                                                     |                                                           | - AGI                           | - Augas de Galicia                    | - APILU<br>- C. Extensión Universitaria e Divulgación Ambiental | - Sogama S.A.<br>- Xestur Coruña S.A.<br>- Xestur Lugo S.A.<br>- Xestur Ourense S.A.<br>- Xestur Pontevedra S.A.<br>- SPI Galicia S.A. |                                                                                                                                                                                                                                                                  |  |
| 08 Economía e Industria                            | - IGC                                               |                                                           | - INEGA<br>- IGAPE              |                                       |                                                                 | - Galicia Calidade S.A.<br>- CEEI Galicia S.A.<br>- XES Galicia S.A.<br>- Sodiga Galicia<br>- Parque Tecnolóxico de Galicia S.A.       | - F. Feira e Exposicións de Lugo<br>- F. Centro Supercomputación<br>- F. Fomento da Calidade Industrial e Desenvolvemento Tecnolóxico<br>- F. Instituto Ferial de A Coruña<br>- F. Exposicións e Congresos A Estrada<br>- F. Centro Galego de Artesanía e Diseño |  |
| Orzamento consolidado da comunidade autónoma       |                                                     |                                                           |                                 | Entidades públicas que presentan PAIF |                                                                 |                                                                                                                                        |                                                                                                                                                                                                                                                                  |  |

| ÁMBITO DOS ORZAMENTOS XERAIS PARA O ANO 2012 (continuación) |                                                  |                                                           |                                     |                                       |                                                               |                                                                 |                                                                                                                                                                                                         |
|-------------------------------------------------------------|--------------------------------------------------|-----------------------------------------------------------|-------------------------------------|---------------------------------------|---------------------------------------------------------------|-----------------------------------------------------------------|---------------------------------------------------------------------------------------------------------------------------------------------------------------------------------------------------------|
| SECCIÓN                                                     | ORGANISMOS AUTÓNOMOS                             | ENTIDADES PÚBLICAS INSTRUMENTAIS CONSULTA OU ASESORAMENTO | AXENCIAS PÚBLICAS AUTÓNOMAS         | ENTIDADES PÚBLICAS EMPRESARIAIS       | CONSORCIOS AUTÓNOMOS                                          | SOCIEDADES MERCANTÍLS PÚBLICAS AUTÓNOMAS                        | FUNDACIÓNS DO SECTOR PÚBLICO AUTÓNOMICO                                                                                                                                                                 |
| 09 Educación e Ordenación Universitaria                     |                                                  |                                                           |                                     |                                       | - Axencia para a Calidade do Sistema Universitario de Galicia |                                                                 |                                                                                                                                                                                                         |
| 10 Sanidade                                                 | - Sergas                                         |                                                           |                                     |                                       |                                                               | - Galaria S.A.                                                  | - F. Instituto Galego de Oftalmoloxía<br>- F. Pública Escola Galega Admón Sanitaria<br>- F. Pública Urxencias Sanitarias<br>- F. Pública Centro Transfusión<br>- F. Pública Galega de Medicina Xenómica |
| 11 Cultura e Turismo                                        |                                                  |                                                           | - Agadic                            |                                       | - Instituto de Estudos Turísticos                             | - S.A. Xestión Xacobeo<br>- S. Imaxe e Promoción Turística S.A. | - F. Cidade da Cultura de Galicia<br>- F. Illa de San Simón                                                                                                                                             |
| 12 Traballo e Benestar                                      | - Instituto Galego de Seguridade e Saúde Laboral | - Consello Galego de Relacións Laborais                   |                                     |                                       | - C. Galego de Servizos Igualdade e Benestar                  | - Funga<br>- F. Galega de Formación para o Traballo             |                                                                                                                                                                                                         |
| 13 Medio Rural                                              | - FOGGA                                          |                                                           | - Agader<br>- Ingagal<br>- Intecmar |                                       |                                                               | - Xenética Fontao S.A.<br>- Seaga S.A.                          | - F. Centro Tecnolóxico da Carne                                                                                                                                                                        |
| 14 Mar                                                      |                                                  |                                                           |                                     | - Portos de Galicia                   |                                                               |                                                                 | - F. Centro Tecnolóxico do Mar                                                                                                                                                                          |
| 20 Consello Consultivo de Galicia                           |                                                  |                                                           |                                     |                                       |                                                               |                                                                 |                                                                                                                                                                                                         |
| 21 Transferencias a CC.LL.                                  |                                                  |                                                           |                                     |                                       |                                                               |                                                                 |                                                                                                                                                                                                         |
| 22 Débeda Pública da CA                                     |                                                  |                                                           |                                     |                                       |                                                               |                                                                 |                                                                                                                                                                                                         |
| 23 Gastos de diversas Consellerías                          |                                                  |                                                           |                                     |                                       |                                                               |                                                                 |                                                                                                                                                                                                         |
| Orzamento consolidado da comunidade autónoma                |                                                  |                                                           |                                     | Entidades públicas que presentan PAIF |                                                               |                                                                 |                                                                                                                                                                                                         |

## 1.1. CONTIDO DOS ORZAMENTOS

Respecto ao contido da lei de orzamentos, podemos distinguir, dous compoñentes claramente diferenciados.

Por un lado o texto articulado, que contén a ordenación xurídica da actividade económico financeira especificamente aplicable aos orzamentos do ano 2012, e concretase na aprobación dos orzamentos, é dicir a previsión dos ingresos que se espera realizar e a autorización dos gastos que como máximo se poderán recoñecer, así coma unha serie de normas de diverso calado que se consideran necesarias para conseguir unha mellor xestión dos recursos e dos créditos orzamentarios.



En segundo lugar, os estados numéricos de ingresos e gastos, cuantifican e detallan as estimacións dos dereitos económicos que se prevén liquidar, e a distribución dos créditos autorizados para a execución dos diferentes programas de gasto, así como os estados financeiros das entidades públicas empresariais, sociedades mercantís públicas autonómicas e fundacións do sector público autonómico.

## 1.2. ESTRUCTURA ORZAMENTARIA

No referente a súa estrutura os orzamentos xerais da comunidade autónoma axústanse ás seguintes regras:

1. Os estados de gastos son elaborados aplicando unha clasificación funcional por programas, que identifica a finalidade do gasto. Por outro lado, a clasificación orgánica proporciona información sobre o axente que realiza o gasto, e a clasificación económica identifica a natureza do mesmo.
2. Para cada programa de gasto establécense os obxectivos estratéxicos e operativos que se pretenden conseguir cos recursos que se lle asignan, e tamén, cando resulta posible, os indicadores de seguimento que se consideran adecuados para analizar o grao de consecución deses obxectivos.
3. Os gastos correntes e os gastos de capital preséntanse de forma separada, e a súa clasificación económica seguirá os seguintes criterios:
  - Nos créditos para gastos correntes distinguíranse os necesarios para o funcionamento dos servizos, os gastos financeiros e as transferencias correntes.
  - Nos créditos para gastos de capital distinguíranse os de investimentos reais, as transferencias de capital e as variacións de activos e pasivos financeiros.

Conforme ás regras indicadas o gasto orzamentario adopta unha triple clasificación:

1. Funcional por programas, que permite coñecer o destino ou finalidade do gasto.
2. Orgánica, que identifica ao órgano xestor que asume a realización do gasto.
3. Económica, que informa sobre a concreción do gasto segundo a súa natureza económica.

Polo que respecta aos estados de ingresos, que expresan a contía e natureza da totalidade dos recursos previstos para o financiamento dos gastos autorizados no exercicio, presentan unha clasificación moito máis acoutada ou sinxela, xa que de conformidade co artigo 49 da Lei de réxime financeiro e orzamentario de Galicia, presentarán unicamente unha clasificación económica, distinguindo entre os que corresponden a operacións correntes e a operacións de capital. Isto é debido á aplicación dos principios xerais de caixa única e non afectación dos ingresos públicos.



Por último, en canto a estrutura orzamentaria, podemos establecer unha diferenza fundamental en base ao carácter limitativo ou non dos orzamentos das diferentes entidades que integran o perímetro de consolidación:

1. As entidades con orzamento limitativo, presentan as súas contas en forma de orzamento administrativo, e son a administración xeral, organismos autónomos, entidades públicas instrumentais de consulta ou asesoramento e axencias públicas autonómicas.

2. As demais entidades non suxeitas a orzamento limitativo, presentan os seus orzamentos en forma de conta financeira agás os consorcios, e son as entidades públicas empresariais, sociedades mercantís públicas autonómicas, fundacións do sector público autonómico e demais entes non suxeitos a orzamentos limitativos. Malia o seu orzamento non limitativo, os consorcios públicos autonómicos presentan orzamentos con estrutura semellante aos da administración.

### 1.1. HOMOXENEIZACIÓN DO PRESUPUESTO 2011

Dende a entrada en vigor da Lei 11/2010, do 27 de decembro, de orzamentos xerais da Comunidade Autónoma de Galicia para o ano 2011, diversos acontecementos obrigan a adaptar

as cifras inicialmente aprobadas coa fin de proporcionar un marco axeitado de análise que permita realizar comparativas homoxéneas co presuposto de 2012, e así se presentan as cifras do ano 2011 coas seguintes adaptacións:

1. A aprobación da Lei 13/2011, do 27 de maio, de regulación do xogo, reflicte a verdadeira natureza deste tributo, como imposto sobre actividades de xogo, cuxa recadación corresponde á Comunidade Autónoma. Desta forma, o importe previsto nos orzamentos 2011, preséntanse no capítulo II de ingresos, dentro dos impostos indirectos, de forma uniforme co presuposto 2012.

2. Dentro das actuacións para investigación, desenvolvemento e innovación, o programa de Investigación universitaria, 561B, pasa da Consellería de Economía e Industria á de Educación Universitaria, así coma o persoal vinculado a este programa, plasmándose este cambio no presuposto 2011.

3. A Lei 16/2010, do 17 de decembro de organización e funcionamento da Administración Xeral e do sector público autonómico de Galicia, na súa disposición adicional cuarta, outorgou autorización ao Consello da Xunta para a creación da Axencia Galega de Infraestruturas, con natureza de axencia pública autonómica. A autorización da súa creación xa está aprobada polo Consello da Xunta. Esta axencia asume as competencias atribuídas á Dirección Xeral de Infraestruturas. É por isto, que a efectos de comparativas en termos máis homoxéneos, os cadros da Memoria preséntanse cos datos do ano 2011 recollendo o efecto da asunción por parte da axencia pública da dirección xeral xa neste exercicio.

4. Pasan a formar parte do sector público autonómico como axencias públicas, en cumprimento do disposto na disposición transitoria terceira da antedita Lei 16/2010, do 17 de decembro, as seguintes: Instituto Galego de Promoción Económica, Instituto Enerxético de Galicia, Axencia Galega de Emerxencias, Axencia Galega de Desenvolvemento Rural, Instituto Tecnolóxico para o Control do Medio Mariño, Instituto Galego de Calidade Alimentaria e Centro Informático para a Xestión Tributaria Económico -Financeira e Contable. Inclúense polo tanto coa natureza de axencias, neste presuposto 2011 homoxeneizado. O proceso de adaptación destas entidades realizarase mediante decreto e no prazo dun ano dende a entrada en vigor da antedita lei.

5. A Axencia de Protección da Legalidade Urbanística adecuarase, seguindo a mesma lei, ao disposto para os consorcios autonómicos neste presuposto 2012, e da mesma forma, preséntase nos estados do orzamento do ano anterior como un consorcio.

6. O desenvolvemento das políticas de gasto vencelladas ao ciclo da auga na Comunidade Autónoma estaba constituída por un organismo autónomo, Augas de Galicia, e a Empresa Pública de Obras e Servizos Hidráulicos. A recente Lei 9/2010, do 4 de novembro, de augas de Galicia, pretende terminar con esta dicotomía organizativa, insuficientemente fundamentada, coa creación de Augas de Galicia, coa natureza de entidade pública empresarial, con personalidade xurídica e plena capacidade de obrar para o cumprimento dos seus fins e competencias, dispo-

a supresión das anteriores entidades. Así, exclúese o organismo autónomo na presentación do presuposto 2011 a efectos comparativos, incluíndose a nova entidade pública empresarial.

7. Por último, e segundo a Lei 16/2010, do 17 de decembro, considéranse como organismos autónomos a efectos orzamentarios, as entidades públicas instrumentais de consulta ou asesoramento seguintes: ao Consello Económico e Social e ao Consello Galego de Relacións Laborais.

De seguido móstrase un cadro que recolle os orzamentos aprobados para o ano 2011 coas adaptacións necesarias para poder compararse cos presupostos do 2012.

#### Conta 2011 Homoxeneizada coa nova estrutura

| Ingresos                 |                             |                                                      |                                          |                                          |                   |                                      |
|--------------------------|-----------------------------|------------------------------------------------------|------------------------------------------|------------------------------------------|-------------------|--------------------------------------|
|                          | Inicial Conso-<br>lido 2011 | Axencias i<br>entidades<br>que pasan a<br>consolidar | Organismos<br>que saen do<br>consolidado | Axustes en<br>transferencias<br>internas | Outros<br>Axustes | Consolidado<br>Homoxeneizado<br>2011 |
| I                        | 2.030.974                   | 0                                                    | 0                                        | 0                                        | 0                 | 2.030.974                            |
| II                       | 2.783.709                   | 0                                                    | 0                                        | 0                                        | 71.805            | 2.855.514                            |
| III                      | 281.121                     | 1.699                                                | 36.600                                   | 0                                        | -71.805           | 174.416                              |
| IV                       | 2.748.001                   | 38.829                                               | 8.582                                    | 17.691                                   | 0                 | 2.760.557                            |
| V                        | 14.214                      | 2.607                                                | 515                                      | 0                                        | 0                 | 16.307                               |
| <b>Total corrientes</b>  | <b>7.858.020</b>            | <b>43.135</b>                                        | <b>45.697</b>                            | <b>17.691</b>                            | <b>0</b>          | <b>7.837.767</b>                     |
| VI                       | 26.520                      | 193                                                  | 0                                        | 0                                        | 0                 | 26.713                               |
| VII                      | 657.813                     | 105.266                                              | 79.140                                   | 26.384                                   | 0                 | 657.555                              |
| <b>Total capital</b>     | <b>684.333</b>              | <b>105.459</b>                                       | <b>79.140</b>                            | <b>26.384</b>                            | <b>0</b>          | <b>684.267</b>                       |
| VIII                     | 20.755                      | 8.706                                                | 0                                        | 0                                        | -20.000           | 9.461                                |
| IX                       | 1.144.909                   | 175.000                                              | 0                                        | 0                                        | 20.000            | 1.339.909                            |
| <b>Total financeiros</b> | <b>1.165.664</b>            | <b>183.706</b>                                       | <b>0</b>                                 | <b>0</b>                                 | <b>0</b>          | <b>1.349.370</b>                     |
| <b>Total Ingresos</b>    | <b>9.708.017</b>            | <b>332.300</b>                                       | <b>124.838</b>                           | <b>44.075</b>                            | <b>0</b>          | <b>9.871.404</b>                     |

(Miles de Euros)

#### Conta 2011 Homoxeneizada coa nova estrutura

| Gastos                   |                             |                                                      |                                          |                                          |                   |                                      |
|--------------------------|-----------------------------|------------------------------------------------------|------------------------------------------|------------------------------------------|-------------------|--------------------------------------|
|                          | Inicial Conso-<br>lido 2011 | Axencias i<br>entidades<br>que pasan a<br>consolidar | Organismos<br>que saen do<br>consolidado | Axustes en<br>transferencias<br>internas | Outros<br>Axustes | Consolidado<br>Homoxeneizado<br>2011 |
| I                        | 3.615.845                   | 21.129                                               | 9.598                                    | 0                                        | 0                 | 3.627.375                            |
| II                       | 1.345.698                   | 8.627                                                | 1.184                                    | 0                                        | 0                 | 1.353.141                            |
| III                      | 195.736                     | 2.200                                                | 0                                        | 0                                        | 0                 | 197.936                              |
| IV                       | 2.328.271                   | 12.189                                               | 370                                      | 17.691                                   | 0                 | 2.322.400                            |
| <b>Total corrientes</b>  | <b>7.485.550</b>            | <b>44.145</b>                                        | <b>11.152</b>                            | <b>17.691</b>                            | <b>0</b>          | <b>7.500.852</b>                     |
| V                        | 77.820                      | 0                                                    | 0                                        | 0                                        | 0                 | 77.820                               |
| VI                       | 804.268                     | 18.229                                               | 17.177                                   | 0                                        | 0                 | 805.320                              |
| VII                      | 798.810                     | 88.087                                               | 96.508                                   | 26.384                                   | 0                 | 764.006                              |
| <b>Total capital</b>     | <b>1.603.078</b>            | <b>106.317</b>                                       | <b>113.685</b>                           | <b>26.384</b>                            | <b>0</b>          | <b>1.569.326</b>                     |
| VIII                     | 131.908                     | 175.020                                              | 0                                        | 0                                        | 0                 | 306.928                              |
| IX                       | 409.660                     | 6.818                                                | 0                                        | 0                                        | 0                 | 416.478                              |
| <b>Total financeiros</b> | <b>541.568</b>              | <b>181.838</b>                                       | <b>0</b>                                 | <b>0</b>                                 | <b>0</b>          | <b>723.407</b>                       |
| <b>Total Gastos</b>      | <b>9.708.017</b>            | <b>332.300</b>                                       | <b>124.838</b>                           | <b>44.075</b>                            | <b>0</b>          | <b>9.871.404</b>                     |

(Miles de Euros)